

ندهت من قلبی

صحيوا عنيا ف يوم

على ندهة من قلبي

يطرح سؤاله هموم

ويقولي ليه تحبي

طردت عنيا النوم

ورجعت تاني أقوله

طب وإنـت ليه تحبي

ولحيرتي تاني أرجع

ولشكوتي أسمع

ده أنا يوم ما جيت أخدع

خدعت إحساسي

ولما جيت أضحك

ضحكت على نفسي

وليه أقول ناسيه
وأنا قلبي مش ناسي
كفاياكي بقى الضحكة اللى بتداري
وإنتي هتقولي اللى بتحسي
الدمعة سهرانة تداري ف جفونك
والحزن على قلبك يتحامى ف جنونك
وشوقك الحيران مسكنه عيونك
وترجعي تاني
وتغمضي العينتين
وتدعي كام دعوة
وتكملي نومك